

BULETIN

MIMBAR

PERCUMA



**PERGINYA
PERMATA BERHARGA**

27 Januari 1944 – 11 Januari 2017



SIDANG REDAKSI

PENAUNG

Yang Berbahagia Tan Sri Datuk Amar Haji Bujang bin Mohd Nor
Setiausaha Kehormat
Lembaga Amanah Kebajikan Masjid Negeri Sarawak

PENASIHAT

Tuan Haji Mohamad Sabry bin Haji Othman
Pengurus Besar
Lembaga Amanah Kebajikan Masjid Negeri Sarawak

EDITOR

Megawati binti Haji Julaihi
Ketua, Sektor Korporat dan Pengurusan

Nona Zaharia binti Fadzil
Ketua, Sektor Kewangan dan Pelaburan

PENGARANG

Abang Bikusary bin Haji Kadir
Ketua, Bahagian Pentadbiran

Haryati bin Mohamad
Ketua, Bahagian Pelajaran

Abdullah bin Haji Tamel
Ketua, Bahagian Masjid-Masjid

Poniman bin Margiman
Ketua, Bahagian Keselamatan

Noratini binti Sebri
Ketua, Bahagian Pengurusan Sumber Manusia

Haji Hat @ Bong Hata bin Marzuki
Pegawai, Penyelidikan dan Pembangunan

PENOLONG PANEL EDITOR

Rahimah binti Ariffin, Guru MATTARY
Misiah binti Wajhi, Guru MATTARY

Azlyn binti Abdul Rahman, Guru MATTARY

Nurul Ikhwan binti Bohari, Guru MATTARY

KOORDINATOR PENERBITAN DAN REKABENTUK

Mohd Nashriq bin Nizam

PEREKA GRAFIK & JURUGAMBAR

Heiruzam Filani bin Mohamad

Hadihizami bin Haidi

TERBITAN

Unit Penerbitan

WACANA PENGARANG

Assalamualaikum Warahmatullahi Wabarakatuh

Alhamdulillah. Tiada kalimah lain yang lebih baik untuk kita ungkapkan rasa syukur kepada Allah S.W.T., Tuhan Yang Maha Pengasih lagi Maha Penyayang serta selawat dan salam buat Rasul junjungan, keluarga Baginda, para sahabat dan para pembaca kerana dengan rasa bersyukur Buletin Mimbar edisi 136 telah berjaya diterbitkan.

Sidang pembaca yang dikasihi Allah S.W.T.,

Suatu kenikmatan yang hebat apabila kita sentiasa bersangka baik kepada Allah S.W.T. Banyak perkara yang melingkari hidup seseorang yang telah dililiti oleh kepercayaan yang begitu ekstrim, tradisional dan ketaksubtan menyebabkan ramai umat Islam menjadi kabur tentang keindahan ajaran Islam yang sebenar.

BULETIN MIMBAR EDISI 136 (JAN-MAC 2017)

> KANDUNGAN

HULU KE MUARA	3
Masjid Darul Ibadah, Kampung Pangkalan Kuap	
PROGRAM IMARAH MASJID DAN SURAU	4
KURSUS PROFESIONAL GURU MATTARY & TATTARY	6
BENGKEL MENJAWAB SOALAN UPSR MATTARY	7
PERTANDINGAN TILAWAH AL QURAN	8
TAKLIMAT IBUBAPA TAHUN 6 MATTARY	9
KURSUS PRA PERKAHWINAN	10
SEJARAH PENUBUHAN POLIS BANTUAN LAKMNS	11
PERGINYA PERMATA BERHARGA	12
SERUAN MIMBAR	14
SEJARAH AWAL MASJID BANDARAYA KUCHING	16
PENGURUSAN KEWANGAN	17
PROFIL KAKITANGAN LAKMNS	18
PROFIL GURU MATTARY	19
PROFIL PELAJAR MATTARY	20
PROFIL PELAJAR TATTARY	21
SINAR HIDAYAH	22

Walau bagaimanapun, Pengarang percaya bahawa kita tidak mampu untuk memuaskan hati semua pihak walaupun kita telah berusaha sebaik-baiknya. Bak kata pepatah Arab, 'Kepuasan manusia merupakan matlamat yang mustahil untuk dicapai.' Maksud pepatah tersebut ialah manusia sentiasa mempunyai pendapat yang berbeza. Seperti contoh, ada individu yang beradab dan ada yang kurang adabnya ketika meluahkan pendapat. Tidak kurang ada yang bersikap ilmiah dan ada pula yang senang menyerang dengan beremosi. Justeru, umat Islam haruslah membuang sifat-sifat Mazmumah ketika dalam menyampaikan serta menerima pendapat daripada seseorang.

Oleh itu, harapan Pengarang agar edisi kali ini dapat memberi informasi yang berguna kepada para pembaca.

Sekian.

UNIT PENYELARAS KEGIATAN DARI HULU KE MUARA

Masjid Darul Ibadah, Kampung Pangkalan Kuap merupakan salah sebuah masjid yang terletak di Jalan Dato Mohd Musa, Kota Samarahan. Kedudukannya terletak lebih kurang 16 kilometer dari Bandaraya Kuching. Masjid Darul Ibadah ini telah dibina pada 23 Ogos 2003 dan telah dirasmikan oleh Tuan Yang Terutama, Yang di-Pertua Negeri Sarawak, Tun Pehin Sri Haji Abdul Taib bin Mahmud yang ketika itu memegang jawatan sebagai Ketua Menteri Sarawak.

Qariah Masjid Darul Ibadah ini terdiri daripada penduduk Kampung Pangkalan Kuap, Kampung Stakan, Kampung Bukit Berangan dan Taman perumahan di sekitar masjid.



Tahun 2016



Tahun 2003

Disebabkan oleh populasi penduduk yang semakin bertambah maka masjid baharu telah dibina pada tahun 2016 di tapak yang lain. Kapasiti ruang solat pula boleh memuatkan di antara 700 – 800 jemaah dalam satu masa.

Reka bentuk binaan bangunan Masjid Darul Ibadah yang baharu ini bercirikan moden dan kubah berbentuk bawang yang diinspirasi dari negara India dan Pakistan. Bahagian ruang solat dihiasi kaligrafi dari potongan ayat al-Quran yang memperlihatkan keindahan seni khat dan Islam.

Dari segi pencapaian, Masjid Darul Ibadah ini telah mendapat anugerah Maal Hijrah Peringkat Negeri Sarawak pada tahun 2011. Manakala pada tahun 2014 pula, masjid ini dicalonkan untuk anugerah masjid seluruh Malaysia di Peringkat Kebangsaan.

Jawatankuasa Masjid Darul Ibadah: -

1. Penasihat : Penghulu Haji Seli bin Hassan
2. Pengurusi : Kasmuri bin Hassan
3. Setiausaha : Haji Amit bin Ahmad
4. Bendahari : Ahmad bin Haji Abd Hamid.



> Ukhuwah Islamiah terjalin melalui Program Imarah Masjid Dan Surau JANUARI HINGGA MAC 2017

Unit Penyelaras Kegiatan, Bahagian Masjid – Masjid, Lembaga Amanah Kebajikan Masjid Negeri Sarawak (LAKMNS) telah membuka lembaran baharu pada tahun 2017 dengan mengadakan program lawatan silaturahim, penyebaran maklumat serta pengimaranan masjid-masjid dan surau-surau. Kunjungan yang dilaksanakan ini merupakan kesinambungan program mingguan seperti tahun – tahun yang lepas.

Mulai bulan Januari hingga Mac 2017, sebanyak 12 buah masjid dan surau telah dikunjungi untuk mengeratkan lagi jalinan ukhuwah dengan masjid dan surau. Di antara pengisian program lawatan ini ialah penyampaian taklimat penyebaran maklumat mengenai latar belakang, aktiviti serta peranan LAKMNS, dan disusuli dengan tazkirah agama yang telah disampaikan oleh Pegawai Hal Ehwal Islam, LAKMNS.

Konsep kesederhanaan, istiqamah, imarah dan silaturahim merupakan antara pengisian yang terdapat di dalam tazkirah tersebut. Program lawatan diakhiri dengan penyampaian sumbangan dan cenderamata daripada pihak LAKMNS kepada Pengerusi masjid atau surau yang telah dikunjungi.

Kehadiran jemaah yang menggalakkan sepanjang program lawatan ini diadakan telah berjaya membuktikan bahawa LAKMNS mampu mengadakan program-program yang berkualiti serta bermanfaat kepada masyarakat umum. Masjid-masjid dan surau-surau yang telah dilawati sepanjang bulan Januari hingga Mac 2017 adalah seperti berikut:

1. Masjid Darul Salam, Kampung Jemukan, Sadong Jaya – 6 JANUARI 2017
2. Surau Darul Ibadah, Kampung Lalang Tengah, Gedong – 13 JANUARI 2017
3. Masjid Darul Ibadah, Kampung Stoh, Lundu – 20 JANUARI 2017
4. Masjid Babur Rahman, Kampung Tungkah Melayu, Sebuyau – 27 JANUARI 2017
5. Surau Hadari, Kampung Rimba Padi, Serian – 3 FEBRUARI 2017
6. Surau Darul Iman, Kampung Temaga Melayu, Sematan – 17 FEBRUARI 2017
7. Masjid Darul Ibadah, Kpg Pengkalan Kuap, Samarahan – 24 FEBRUARI 2017
8. Masjid Darul Iman, Kampung Gumpay, Simunjan – 3 MAC 2017
9. Masjid Darul Ikhsan, Kampung Sri Menanti, Serian – 10 MAC 2017
10. Surau An Nur, Taman Palma Indah, Kuching – 17 MAC 2017
11. Masjid Darul Taqwa, Kampung Sungai Apin, Simunjan – 24 MAC 2017
12. Masjid Al-Bugisiah, Kampung Ulu Pelandok, Sadong Jaya – 31 MAC 2017

“

*Hanyalah yang memakmurkan masjid-masjid Allah ialah orang-orang yang beriman kepada Allah dan hari kemudian, serta tetap mendirikan solat, menunaikan zakat dan tidak takut (kepada siapapun) selain Allah, maka mereka yang termasuk golongan orang-orang yang selalu mendapat petunjuk (dari Allah Ta’ala)”
(QS At-Taubah: 18)*

”



Masjid Darul Ibadah, Kampung Pengkalan Kuap, Kota Samarahan



Masjid Al-Bugisiah, Kampung Ulu Pelandok, Sadong Jaya



Surau Darul Iman, Kampung Temaga Melayu, Sematan



Masjid Darul Ibadah, Kampung Stoh, Lundu

KURSUS PROFESIONAL GURU-GURU MATTARY DAN TATTARY

Kursus Profesional Guru-guru Ma'had Tahfiz Tun Abdul-Rahman Ya'kub (MATTARY) dan Tadika Tahfiz Tun Abdul-Rahman Ya'kub (TATTARY) telah diadakan pada 25 Mac 2017 (Sabtu) bertempat di Bilik Kuliah, Pusat Pengajian Al-Quran Tun Abdul-Rahman Ya'kub (PATARY). Kursus ini dianjurkan oleh Bahagian Pelajaran, LAKMNS dan dikelolakan oleh Jawatankuasa Pengurusan Akademik MATTARY. Kesemua panel penceramah dijemput khas dari Institut Pendidikan Guru, Kampus Batu Lintang, Kuching, Sarawak.

Secara dasarnya, kursus ini bertujuan untuk memberi pendedahan kepada para guru tentang bagaimana untuk memahami dan meramal tingkah laku pelajar, apa yang disukai dan tidak disukainya serta kecenderungan pelajar pada peringkat umur tertentu. Oleh itu, pengetahuan psikologi ini dapat membantu guru merancang kaedah peneguran yang sesuai untuk pelajarnya dalam usaha untuk mengawal tingkah laku pelajar dan memotivasi pelajar supaya lebih tekun belajar.

Selain itu, kursus ini juga membantu para guru merancang objektif dan matlamat pembelajaran yang sesuai untuk pelajarnya dan merumuskan langkah-langkah agar pelajar dapat mencapai objektif dan matlamat pembelajaran yang telah ditetapkan.



Slot pertama disampaikan oleh Encik Bedui bin Une, Ketua Pengarah, Institut Pendidikan Guru Kampus Batu Lintang mengenai tajuk yang cukup bermakna iaitu Pemugaran Peranan dan Sikap Guru-Satu Refleksi. Beliau turut menyatakan tentang pentingnya didikan seorang guru yang mencurahkan ilmu kepada anak didiknya dengan sepenuh hati. Niat yang murni ini hendaklah diterjemahkan melalui sikap yang positif dan sentiasa mahu memberikan yang terbaik kepada para pelajar.

Selaku Ketua Pengarah sebuah institut yang telah melahirkan ramai pendidik, Encik Bedui menegaskan tentang pentingnya cara penyampaian ilmu agar sampai ke jiwa para pelajar. Pendidikan yang berkesan memerlukan satu proses secara menyeluruh dan berterusan.



Selepas itu, Encik Abdul Malek bin Tahir telah menyampaikan Slot Kemahiran Mengajar dan Aplikasi Psikologi dalam Pembelajaran dan Pemudahcaraan (PdPC). Beliau memfokuskan kemahiran dan teknik mengajar yang berkesan serta strategi menyeluruh dalam pembelajaran. Aktiviti sebegini perlu dilakukan oleh para pendidik agar suatu penyampaian ilmu di dalam kelas lebih berkesan terhadap anak-anak. Pelbagai teknik PdPC yang menarik semasa slot tersebut telah dikongsikan bersama warga MATTARY dan TATTARY.

Pada sesi ketiga, kursus diteruskan dengan tajuk Pedagogi Alaf 21 yang telah disampaikan oleh Dr. Haminah binti Suhaibo. Slot yang mengkhususkan tentang kaedah mengajar secara praktikal ini disampaikan dalam suasana yang cukup ceria memandangkan beliau sudah berpengalaman lebih daripada 30 tahun dalam bidang pendidikan. Pelbagai cara dan kaedah yang boleh diambil contoh daripada perkongsian ilmu beliau. Beliau menegaskan bahawa setiap kaedah yang dipilih oleh guru hendaklah pelbagai dan menarik agar dapat menimbulkan minat dalam kalangan pelajar.

Dr. Hajah Syarifah Nooraida binti Haji Wan Hassan pula memfokuskan perbincangan bersama guru-guru tahfiz dengan menekankan Psikologi Pendidikan dalam Kurikulum Tahfiz. Pedagogi yang digunakan hendaklah mampu menimbulkan minat para pelajar terhadap al-Quran memandangkan para pelajar telah diajar bermula pada usia 4 tahun hingga 12 tahun. Oleh itu, cara yang digunakan hendaklah sangat menarik dan ceria tanpa membelaikan fokus utama iaitu hafazan.

Slot yang terakhir iaitu Kemahiran Berfikir Aras Tinggi atau K-BAT/i-Think telah disampaikan oleh Dr. Tiwi bin Kamidin. Slot ini amat berguna dalam memberi impak yang besar kepada para peserta, selaras dengan perkembangan pendidikan yang mensasarkan para pelajar menguasai kemahiran berfikir aras tinggi.



BENGKEL MENJAWAB SOALAN UJIAN PENILAIAN SEKOLAH RENDAH (UPSR)

Bengkel menjawab soalan UPSR untuk 35 orang calon UPSR Ma'had Tahfiz Tun Abdul-Rahman Ya'kub (MATTARY) telah diadakan selama seminggu bermula pada 27 Februari 2017 hingga 3 Mac 2017. Tujuan bengkel tersebut adalah untuk memberi dorongan, rangsangan dan meningkatkan jati diri dari segi jasmani, emosi, rohani dan intelek (JERI) kepada para pelajar. Selain itu, bengkel ini juga diadakan untuk mendedahkan tip-tip dan teknik-teknik menjawab soalan sebagai persediaan menghadapi UPSR.

Antara penceramah jemputan yang terdiri daripada Jurulatih Utama (JU) bagi setiap subjek UPSR ialah:

PENCERAMAH	SUBJEK
Encik Mohammad bin Jol	Bahasa Melayu
Puan Mariani binti Bujang	Bahasa Inggeris
Ustaz Hasbulah bin Sabu	Bahasa Arab
Puan Hajibah binti Sepawi	Sejins
Encik Mohammad Azharudin bin Mat Sarip	Matematik



Semoga segala usaha murni yang telah dilakukan membawa hasil yang cemerlang untuk semua calon UPSR MATTARY pada kali ini.

PENYERTAAN PERTANDINGAN TILAWAH DAN TAHFIZ AL-QURAN SEMPENA ARAB SHOPPING FESTIVAL AHLAN WASAHLAN

Seramai 19 orang pelajar Ma'had Tahfiz Tun Abdul-Rahman Ya'kub (MATTARY) telah menyertai Pertandingan Tilawah dan Tahfiz al-Quran sempena 'Arab Shopping Festival Ahlan Wasahlan 2017' yang telah dianjurkan oleh Islamic Information Centre (IIC) dengan kerjasama Lamar Sdn. Bhd. pada 26 hingga 30 Januari 2017 bertempat di ruang legar, Majma' Mall, Kuching. Pertandingan ini terbuka kepada para pelajar berusia 7 hingga 12 tahun dan turut disertai oleh para peserta dari Lembaga Kebajikan Anak-Anak Yatim Sarawak (PERYATIM) dan ma'had tahfiz yang lain.

Pertandingan pada kali ini menyaksikan para peserta bukan sahaja diuji dari segi hafazan tetapi juga dari segi bacaan al-Quran secara bertarannum. Peserta yang layak akan melalui 3 peringkat iaitu peringkat saringan, peringkat separuh akhir dan peringkat akhir.

Pertandingan ini dinilai oleh para juri dari Persatuan Guru-guru Al-Quran Negeri Sarawak yang berpengalaman dalam bidang hafazan dan taranum al-Quran. Peserta MATTARY telah mengharumkan nama sekolah dengan memenangi tempat pertama hingga ketiga di peringkat akhir pertandingan tersebut. Para pemenang adalah seperti berikut:

1. Adik Ayshah Rasyiqah binti Zairon, 8 tahun.
- Tempat Pertama
2. Adik Nasrul Haq bin Zairon, 12 tahun.
- Tempat Kedua
3. Adik Thaqeef Ridhauddin bin Lutfi, 11 tahun.
- Tempat Ketiga

Diharapkan agar pertandingan seperti ini dapat dianjurkan lagi pada masa akan datang supaya generasi muda berpeluang menimba pengalaman baru dalam bidang hafazan al-Quran khususnya di Negeri Sarawak.



TAKLIMAT BERSAMA IBU BAPA MURID TAHUN 6 SESI 2017



Taklimat bersama ibu bapa pelajar Tahun 6 sesi 2017 telah diadakan pada hari Sabtu, 4 Februari 2017, di Bilik Kuliah Pusat Pengajian Al-Quran (PATARY). Taklimat tersebut telah dihadiri oleh Puan Haryati binti Mohamad, Ketua Bahagian Pelajaran, Lembaga Amanah kebajikan Masjid Negeri Sarawak (LAKMNS) serta pihak pengurusan Ma'had Tahfiz Tun Abdul-Rahman Ya'kub (MATTARY) serta Tuan Haji Yusup bin Shamah, Guru Besar MATTARY.

Taklimat dimulakan dengan ucapan alu-aluan yang telah disampaikan oleh Tuan Haji Yusup, Guru Besar MATTARY. Beliau turut menyatakan hasrat dan persediaan sekolah dengan kerjasama guru-guru dalam menghadapi Ujian Pencapaian Sekolah Rendah (UPSR) 2017 seperti mengadakan kelas akademik yang bermula pada jam 10.00 pagi pada setiap hari. Di samping itu, Bengkel UPSR untuk murid-murid Tahun 6 turut diadakan dengan menjemput Jurulatih Utama UPSR untuk kesemua mata pelajaran UPSR. Selain itu, pihak sekolah juga akan menyediakan program khas untuk murid-murid Tahun 6 iaitu Gerak Gempur UPSR dan Ujian Pra-UPSR.

Majlis diteruskan dengan penyampaian taklimat oleh Ketua Panitia bagi setiap mata pelajaran UPSR. Guru yang terlibat adalah seperti berikut:

1. Puan Rahimah binti Ariffin - Ketua Panitia Bahasa Melayu
2. Puan 'Izzah Syazani binti Zabidi - Ketua Panitia Bahasa Inggeris
3. Puan Dayang Ann Amalina binti Abang Yamin - Ketua Panitia Matematik
4. Puan Rafidah binti Salleh - Ketua Panitia Sains
5. Ustazah Nor Farizah binti Darno - Ketua Panitia Bahasa Arab

Kesemua panitia telah mensasarkan 100% lulus untuk UPSR 2017 dan akan berusaha sedaya upaya untuk meningkatkan bilangan calon yang cemerlang pada tahun ini. Pihak panitia juga turut menerangkan tentang format baharu kertas UPSR serta berharap agar para calon bersedia sepenuhnya untuk menghadapi peperiksaan tersebut.

Turut diberi penekanan adalah berkenna penglibatan murid-murid Tahun 6 dalam bidang ko-kurikulum oleh Cik Siti Zahrah binti Abdul Jalil, Penolong Kanan Kokurikulum. Beliau telah membentangkan tentang aspek Pentaksiran Aktiviti Jasmani, Sukan dan Ko-kurikulum (PAJSK) dan juga Standard Kecergasan Fizikal Kebangsaan (SEGAK).

Pembentangan mengenai hafazan telah disampaikan oleh Ustazah Fatimahuzzahrah binti Mat Som. Antara penerangan lain yang disampaikan kepada ibu bapa adalah sasaran yang perlu dicapai oleh murid dalam kelas hafazan. Beliau turut menyatakan pelajar yang betul-betul layak akan menyertai Musabaqah yang akan diadakan selepas UPSR kelak.

Kesimpulannya, pihak sekolah berharap agar para ibu bapa bekerjasama dengan pihak sekolah untuk merealisasikan kejayaan anak-anak dalam UPSR.

KURSUS PRA PERKAHWINAN

Kursus Pra Perkahwinan merupakan salah satu program yang dijalankan di Bahagian Penyelidikan dan Pembangunan, Lembaga Amanah Kebajikan Masjid Negeri Sarawak (LAKMNS) sejak tahun 2012 dengan kerjasama Bahagian Unit Pembangunan Keluarga, Jabatan Agama Islam Sarawak (JAIS). Kursus ini telah disertai oleh semua golongan termasuklah profesional dan bukan profesional.

Setakat ini, kursus tersebut telah diadakan pada 14 dan 15 Januari, 18 dan 19 Februari dan 18 dan 19 Mac 2017. LAKMNS telah mengambil inisiatif untuk mengelolakan kursus ini pada hujung minggu untuk memberi peluang kepada para peserta menghadiri kursus ini tanpa mengambil cuti pada hari bekerja memandangkan pihak Jabatan Agama Islam Bahagian Kuching mengadakan kursus ini iaitu pada hari Rabu dan Khamis.

Bilangan penyertaan dalam Kursus Pra-Perkahwinan Islam bagi tempoh Januari hingga Mac 2017 amat menggalakkan seperti yang tertera dalam rajah dibawah: -



Kursus Pra Perkahwinan ini dibahagikan kepada 12 slot dengan memberi penekanan kepada panduan sebelum, semasa dan penyelesaian jika terdapat permasalahan dalam membina sesbuah gerbang perkahwinan. Peserta dibimbing oleh penceramah-penceramah bertauliah yang dilantik oleh pihak Jabatan Agama Islam Sarawak (JAIS). Modul kursus ini telah dirangka oleh Jabatan Kemajuan Islam Malaysia (JAKIM) dan digunakan di seluruh Malaysia.

Salah satu modul yang penting dalam kursus ini adalah Slot Pengurusan Kewangan yang telah disampaikan oleh Ustaz Suhardi bin Bujang, Pegawai Jabatan Agama Islam Sarawak. Beliau telah menekankan beberapa aspek dalam pengurusan kewangan keluarga seperti berikut:-

- Menentukan keperluan;
- Mengukur kemampuan;
- Mengagih perbelanjaan kepada 70% bagi keperluan asas, 20% bagi kehendak atau kemewahan dan 10% bagi simpanan seperti ibadah, kebajikan dan kecemasan; dan
- Merekod perbelanjaan.

Harapan LAKMNS agar Kursus Pra Perkahwinan ini dapat memberi manfaat kepada bakal suami dan isteri dalam melayari kehidupan rumah tangga yang bahagia di dunia dan akhirat.

SEJARAH PENUBUHAN PASUKAN POLIS BANTUAN LAKMNS



Bahagian Keselamatan merupakan salah satu bahagian teras dalam pentadbiran LAKMNS. Secara amnya, Bahagian Keselamatan berperanan untuk memelihara, mengelakkan dan mempertingkatkan ketenteraman awam dan keselamatan harta dan aset milik LAKMNS serta meningkatkan keberkesanan penguatkuasaan peraturan di kawasan kawalannya.

SEJARAH PENUBUHAN

Penubuhan Unit Keselamatan LAKMNS adalah pada sekitar tahun 1991 dengan kekuatan seramai 8 orang pengawal keselamatan.

Kini, Unit Keselamatan telah berkembang menjadi Bahagian Keselamatan yang merangkumi skop tugas dan tanggungjawab yang lebih meluas sejajar dengan perkembangan LAKMNS secara keseluruhannya.



MAJLIS PENUTUPAN KURSUS INDUKSI PENGAWAL KESELAMATAN LAKMNS PADA TAHUN 1994 DI PULASAR, BATU 7



PERBARISAN BULANAN UNIT KESELAMATAN LAKMNS PADA TAHUN 2013

OBJEKTIF

Mengelakkan keselamatan dan ketenteraman di LAKMNS sejajar dengan Seksyen 3(3) Akta Polis 1967 dan membanteras segala bentuk ancaman berunsur jenayah, subversif, ekstremis, kekerasan dan keganasan serta memastikan keamanan dan keharmonian di LAKMNS terjamin.

PENTAULIAHAN “POLIS BANTUAN”

Pada tahun 2014, Ketua Polis Negara telah meluluskan penubuhan Polis Bantuan Lembaga Amanah Kebajikan Masjid Negeri Sarawak dengan perjawatan seramai 124 orang berkuatkuasa pada 26 Jun 2014.



Watikah kelulusan telah disampaikan oleh Komisioner Polis Dato' Wira Ayub bin Haji Yaakob, Pengarah Jabatan Pencegahan Jenayah dan Keselamatan Komuniti PDRM kepada Yang Berhormat Datuk Amar Abang Haji Abdul Rahman Zohari bin Tun Abang Haji Openg, Menteri Perumahan dan Menteri Pelancongan Sarawak merangkap Timbalan Pengerusi LAKMNS pada 6 Ogos 2014.



UPACARA SIMBOLIK MENYARUNG ‘BERET’ POLIS KEPADA ANGGOTA POLIS BANTUAN LAKMNS

Bersambung...



12

*S*eluruh rakyat Negeri Sarawak khususnya kakitangan Lembaga Amanah Kebajikan Masjid Negeri Sarawak (LAKMNS) berduka cita atas hilangnya sebutir permata yang disayangi dan berjiwa rakyat.

Ketua Menteri Sarawak ke-5, Yang Amat Berhormat Datuk Patinggi Tan Sri Datuk Amar Haji Adenan bin Satem telah meninggal dunia pada 11 Januari 2017 di Pusat Jantung Hospital Umum Sarawak. Allahyarham yang dilahirkan di Kuching, Sarawak telah meninggalkan seorang bala, Yang Berbahagia Datuk Patinggi Datuk Amar Puan Sri Jamilah binti Haji Anu dan 5 orang anak.

Allahyarham atau lebih mesra dipanggil Tok Nan juga merupakan Pengurus Lembaga Pengarah, Lembaga Amanah Kebajikan Masjid Negeri Sarawak. Pelbagai inisiatif dan perubahan yang telah dilakukan oleh Allahyarham ketika menjawat jawatan sebagai Ketua Menteri Sarawak dan Pengurus Lembaga Pengarah LAKMNS.

Oleh yang demikian, seluruh warga LAKMNS mendoakan agar roh Allahyarham dicucuri rahmat serta berada dalam kalangan hamba Allah S.W.T. yang beriman dan ditempatkan di syurga. Amin.

13

SERUAN MIMBAR

(20 Januari 2017M/ 21 Rabiulakhir 1438H)

Sumber:
www.jais.sarawak.gov.my
<http://emasjid.sarawaknet.gov.my>



Sidang Jumaat yang dirahmati Allah S.W.T.

Marilah sama-sama kita mempertingkatkan ketakwaan kepada Allah S.W.T. Laksanakanlah segala perintah-Nya. Hindarkan segala larangan-Nya. Tingkatkanlah keimanan dalam diri kita, dengan memupuk rasa cinta yang mendalam terhadap Allah S.W.T. dan Rasul-Nya melalui pelaksanaan ibadah yang berterusan. Semoga dengan demikian, kita akan mampu mendapat ketenangan jiwa dan tergolong dalam kalangan hamba-Nya yang dikasihi dan diredhai oleh-Nya. Mimbar hari ini akan membicarakan khutbah bertajuk "Mencapai Ketenangan Jiwa dan Minda Melalui Pengabdian Kepada Allah S.W.T.".

Sidang Jumaat yang dirahmati Allah S.W.T.

Menjadi satu rutin atau kebiasaan bagi kebanyakan kita untuk keluar pada setiap pagi dan hanya pulang pada lewat petang bagi mencari rezeki. Malah, adakalanya berlanjutan sehingga ke lewat malam. Namun, sebagai seorang manusia biasa, dalam kita menjalankan aktiviti rutin harian, ada kalanya kita akan berdepan dengan tekanan dalam kehidupan sama ada di tempat kerja atau di mana sahaja kita berada. Lantas timbul kerunsungan, kecelaran minda dan hati yang tidak tenang. Lebih-lebih lagi jika hati kita ini, sudah lama tidak diisi dengan kalimah suci serta puji-pujian (zikir) kepada Allah S.W.T., atau lebih menyedihkan lagi, segala kewajipan dan perintah Allah S.W.T. sudah sekian lama tidak dilaksanakan atau terus diabaikan.

Ketahuilah, keimanan terhadap Allah S.W.T. sebenarnya amat penting dalam hidup kita, bahkan keimanan terhadap-Nya lah yang membezakan antara kita sebagai orang yang beriman dengan hamba-hamba-Nya yang lain. Ia merupakan satu sumber motivasi untuk kita, sekaligus membuatkan kita lebih yakin dalam mengharungi hari-hari kehidupan kita di dunia ini.

"MENCAPAI KETENANGAN JIWA DAN MINDA MELALUI PENGABDIAN KEPADA ALLAH S.W.T."

Maka sewajarnya sebagai seorang yang beriman, apabila kita menghadapi kesukaran dalam kehidupan, hendaklah kita menyerahkan diri kepada Allah S.W.T. Mendekatkan diri kita dengan mengabdikan diri kepada-Nya, Tuhan Yang Maha Esa. Bermunajat kepada Allah S.W.T. dengan zikir, bersujud kepada-Nya dan berdoa agar Allah S.W.T. membuka pintu rahmat dan ketenangan dalam jiwa kita. Inilah sebenarnya merupakan cara seorang mukmin berhubung dengan Allah S.W.T. Firman Allah S.W.T. dalam surah Al-M'aarij, ayat 19-22:

Maksudnya: "Sesungguhnya manusia itu dijadikan bertabiat resah gelisah (lagi bakhil kedekut); Apabila ia ditimpakan kesusahan, dia sangat resah gelisah; Dan apabila ia beroleh kesenangan, ia sangat bakhil kedekut; Kecuali orang yang mengerjakan solat yang mereka itu tetap mengerjakan solatnya."

Sidang Jumaat yang dirahmati Allah S.W.T.

Betapa indahnya kesan pengabdian dan penyerahan yang kita tujuhan kepada Allah S.W.T. Pada hakikatnya, kelebihan yang diraih daripada amal ibadah kita ini, hanyalah dikhususkan buat hamba-hamba-Nya yang beriman.

Sebagai contoh, melalui pelaksanaan solat dan doa yang dipohonkan, tersemat di sanubari kita bahawa Allah S.W.T. memudahkan jalan keluar bagi segala kesulitan kehidupan yang dihadapi. Itulah keyakinan yang tertanam di dalam hati orang-orang yang beriman. Keyakinan yang timbul dari keimanan ini pula, akan menimbulkan ketenangan dalam jiwa kita. Renungkanlah firman Allah S.W.T. dalam surah Al-Baqarah ayat 45 :

Maksudnya: Dan mintalah pertolongan (kepada Allah SWT) dengan jalan sabar dan mengerjakan solat; dan sesungguhnya solat itu amatlah berat kecuali kepada orang-orang yang khusuk;


Malah dalam sepotong hadis yang diriwayatkan oleh Imam Abu Daud rahimahullah, dinyatakan bahawa perkara pertama yang akan dilakukan oleh baginda S.A.W. ketika berdepan dengan sebarang pergolakan atau masalah adalah dengan melaksanakan ibadah solat.

Sidang Jumaat yang dirahmati Allah S.W.T.,

Solat bukan hanya sekadar untuk kita mengamalkan ibadah semata-mata, tetapi ianya hendaklah difahami dalam pelbagai aspek seperti fizikal, pemikiran, emosi dan rohani. Sebagai contoh, apabila kita rukuk dan sujud, ia bukan sekadar satu amalan perbuatan biasa, tetapi sebenarnya membawa maksud mendalam bahawa kita sedang berhubung dan berhadapan dengan dengan Allah S.W.T., Tuhan Yang Maha Agung. Ini bersesuaian dengan hadis Rasulullah S.A.W. yang bermaksud:

"Apabila seseorang itu melaksanakan Solat, maka ia sedang bermunajat (mendekatkan diri) dengan Tuhanya."


(Hadis riwayat Imam al-Bukhari dan Muslim)



GAMBAR HIASAN

Dengan memahami hakikat betapa mendalamnya sesuatu ibadah yang kita lakukan, ia akan memberikan suatu pengalaman yang indah dalam pelaksanaan ibadah kita. Keindahan dan kemanisan yang dikehendaki itu pula, pasti akan memberikan keyakinan dan ketenangan serta meningkatkan iman kita. Firman Allah S.W.T. dalam surah Ar-Ra'ad, ayat 28:

Maksudnya: "(laitu) orang-orang yang beriman dan tenang tenteram hati mereka dengan zikrullah. Ketahuilah dengan "zikrullah" itu, tenang tenteramlah hati manusia."



GAMBAR HIASAN

Selain dari kesan peribadi, ketenteraman hati juga akan melahirkan seseorang yang bersifat lebih ihsan, lebih bersimpati, lebih menghormati dan prihatin kepada masyarakat dan keadaan sekelilingnya. Akhirnya, seseorang yang beriman itu akan merasa lebih selesa dengan dirinya sendiri dan juga dengan masyarakat kesan dari kelapangan dada dan ketenangan jiwa yang diperolehnya.

Semoga dengan pengukuhan iman dan ilmu yang mendalam ini dapat melahirkan seorang insan mukmin yang gigih beribadah, mendekatkan diri kepada Allah S.W.T., seterusnya menjadi seorang insan yang tawaduk dan disenangi manusia.

SEJARAH AWAL MASJIDBANDARAYAKUCHING



Masjid lama mula dirobohkan pada 5 Februari 1967 oleh pihak Tentera Malaysia dan pada bulan Mei 1967 pula kerja meroboh masjid telah selesai dijalankan. Pada 16 Jun 1967, selepas sembahyang Asar, satu majlis doa selamat diadakan di tapak tanah masjid tersebut dan pada keesokan harinya, kerja-kerja pembinaan masjid baru telah dimulakan dengan rasminya.

16 Semasa upacara perletakan batu asas oleh Yang Amat Mulia Tunku Abdul Rahman Putra Al-Haj, Perdana Menteri Malaysia yang pertama, telah menyumbangkan dana sebanyak RM100,000 untuk tujuan tersebut.

Di samping itu, satu rombongan yang diketuai oleh Yang Berhormat Dato' Haji Abdul Rahman Yakub telah mengadakan perjumpaan dengan Timbalan Perdana Menteri Malaysia pada ketika itu iaitu Yang Amat Berhormat Tun Abdul Razak bin Dato' Haji Hussein untuk membincangkan mengenai masalah kekurangan dana sumber kewangan yang dialami. Rombongan tersebut turut disertai oleh Yang Berbahagia Dato' Abang Haji Marzuki Nor, Tuan Presiden Majlis Islam Sarawak, Al-Ustaz Mohamad Mortadza Haji Daud dan juga Encik Jally bin Hassanuddin S.K.N. Hasil dari perjumpaan tersebut, Yang Amat Berhormat telah bersetuju untuk menyumbangkan dana sebanyak RM150,000 bagi menampung perbelanjaan membina masjid baru tersebut.

Manakala sumber kewangan yang lain adalah disumbang melalui kutipan orang ramai berjumlah RM250,000.



Maka, jumlah keseluruhan yang disumbangkan adalah sebanyak RM500,000. Pihak Kerajaan Negeri juga tidak ketinggalan dalam menghulurkan bantuan untuk tujuan tersebut sekiranya diperlukan.



Dato' Abang Haji Marzuki menerima derma permulaan Kerajaan Pusat daripada Tun Haji Abdul Razak bin Dato' Haji Hussein, Timbalan Perdana Menteri Malaysia.



Tun Haji Abdul Razak bin Dato' Haji Hussein, Timbalan Perdana Menteri Malaysia melihat pelan tapak pembinaan Masjid Bandaraya Kuching yang baru.

PERANCANGAN KEWANGAN


SIMPAN DAN LABUR UNTUK PERSARAAN ANDA DALAM SKIM PERSARAAN PENCEN SWASTA (PRS)

Kerajaan telah memperkenalkan satu kaedah di mana teknik pencen yang diguna pakai oleh kakitangan kerajaan mula dijadikan satu model kepada kakitangan swasta supaya apabila mereka pencen nanti, kebajikan mereka lebih terjaga dan dapat menambah tabungan pencen dengan lebih tinggi daripada nilai asal. PRS secara amnya merupakan sebuah skim pelaburan jangka masa panjang yang ditubuhkan untuk menambah simpanan dana persaraan.

Objektif PRS adalah untuk memberi pilihan bagi skim yang sedia ada untuk seluruh rakyat Malaysia, sama ada bekerja atau bekerja sendiri, secara sukarela untuk menambah dana persaraan mereka di bawah skim yang berstruktur dan dikawal selia. Setiap PRS menawarkan pelbagai pilihan dana persaraan di mana kini pelabur boleh memilih untuk melabur berdasarkan keperluan persaraan, matlamat kewangan dan toleransi risiko mereka sendiri.

Tujuan Dana PRS adalah untuk memberikan pulangan jangka panjang ahli-ahli menerusi satu kerangka yang dikawal selia. PRS juga mempunyai pilihan dana untuk ahli yang telah memilih penyedia PRS tetapi tidak memilih jenis dana yang dikehendakinya. Pilihan ini dibuat mengikut kumpulan umur yang berlainan dan dana pelaburan yang agresif akan ditumpukan lebih kepada ahli-ahli muda manakala dana pelaburan yang konservatif akan ditumpukan kepada ahli-ahli yang lebih tua.

Perbezaan utama antara pelaburan dalam KWSP dan PRS adalah seperti berikut:-



PERBEZAAN	PRS	KWSP
Jenis Sumbangan	Sukarela	Mandatori
Jumlah Sumbangan	Tiada Had Minimum / Maksimum	Had Minimum (11% Pekerja / 12-13% Majikan)
Kekerapan Sumbangan	Tiada	Bulanan
Sumbangan Dibayar Ke	Penyedia PRS yang Dipilih	Terus ke KWSP
Pelepasan Cukai Tahunan	RM3,000	RM6,000
Pengeluaran Separa	Daripada sub akaun B sahaja, dan 8% penalti cukai	Daripada akaun dua sahaja, Tertakluk kepada sebab dan tiada penalti
Pemilihan Dana Pelaburan	Bebas (pilih di antara penyedia PRS)	Kebebasan memilih hanya untuk Amaun Separa (EPF-MIS)
Polisi Dividen	Tiada Had Minimum diperuntukkan (Bergantung kepada prestasi dana)	Minimum 2.5% setahun

BOHARI BIN ZAINUDDIN

PEGAWAI

Tarikh Lahir	: 29 Disember 1957
Umur	: 59 tahun
Asal	: Kampung Pugu, Sematan, Lundu. Kuching Sarawak.
Tarikh Mula Berkhidmat	: 16 Mac 1998



Perkara yang terbaik di dalam hidup seseorang ialah dengan mempunyai prinsip beradik ini pernah berkhidmat sebagai anggota Angkatan Tentera Malaysia (ATM) di bawah Briged Para selama 22 tahun sebelum memulakan jauh dan dapat memberi inspirasi serta motivasi kepada diri sendiri mahupun orang sekeliling.

"Pantang Menyerah!" merupakan prinsip hidup kakitangan pilihan untuk keluaran Buletin Mimbar pada kali ini. Encik Bohari bin Zainuddin atau lebih mesra dipanggil Encik Boh merupakan Penolong Pegawai Kanan di Bahagian Penyelidikan dan Pembangunan. Beliau telah bekerja di Lembaga Amanah Kebajikan Masjid Negeri Sarawak (LAKMNS) selama lebih daripada 17 tahun. Berpegang kepada prinsip tersebut, beliau sentiasa berusaha dan tidak pernah berputus asa dalam melakukan apa jua pekerjaan serta percaya bahawa setiap perkara yang dilakukan akan mendapat keredhaan Allah S.W.T.

Encik Bohari telah mendirikan rumah tangga dengan suri hatinya iaitu Puan Normadiah binti Zaini dan telah dikurniakan dua orang puteri yang menjadi penyeri hidup mereka iaitu Iyatul Zahrah dan Nurul Ihsan. Mereka sekeluarga gemar melancong bagi mengisi masa lapang di samping dapat mengeratkan lagi hubungan silaturrahim sesama ahli keluarga.



KHAIRUNISA BINTI SABANG

GURU AKADEMIK MATTARY

Tarikh Lahir	: 8 Disember 1990
Umur	: 27 tahun
Asal	: Kuching, Sarawak



Ustazah Khairunisa binti Sabang dilahirkan pada 8 Disember 1990 di Hospital Umum Sarawak. Beliau merupakan anak ketujuh daripada sembilan orang adik-beradik. Beliau telah mendirikan rumah tangga dengan pilihan hatinya iaitu Ustaz Mohd Shariff bin Wan Mohd Najid.

Beliau telah memulakan perkhidmatannya di Ma'had Tahfiz Tun Abdul-Rahman Ya'kub (MATTARY) sebagai Guru Pelatih pada 28 Disember 2014. Kini, beliau telah diserap ke dalam jawatan tetap sebagai guru akademik MATTARY. Lebih mesra dengan panggilan Ustazah Nisa dalam kalangan rakan sekerjanya, beliau juga merupakan guru kelas Tahun 3 Al-Biruni serta mengajar subjek Bahasa Arab dan Pendidikan Islam.

Ustazah Khairunisa berkelulusan Ijazah Sarjana Muda Usuluddin dengan Kepujian dari Kolej Universiti Insaniah, Kedah. Di samping itu, beliau juga pernah bertugas sebagai Guru Sandaran dan Guru KAFA. Berbekalkan pengalaman tersebut beliau menjalankan tugas dengan penuh komited dalam mendidik anak-anak MATTARY.



Ustazah Khairunisa meraikan hari bahagianya bersama keluarga terdekat di Rantau Panjang, Kelantan.

JASMIN AMINAH BINTI JAPRI

PELAJAR MATTARY

Tarikh Lahir : 16 Januari 2005

Umur : 12 tahun

Asal : Kuching, Sarawak

Tahun : 6 Biruni

Hobi : Membaca dan bermain basikal

Cita-cita : Menjadi seorang pensyarah



Diam-diam ubi berisi' itulah peribahasa yang sesuai dikaitkan dengan Jasmin Aminah binti Japri yang merupakan murid Tahun 6 Al-Biruni, Ma'had Tahfiz Tun Abdul-Rahman Ya'kub (MATTARY). Jasmin Aminah atau lebih mesra dengan panggilan Jasmin telah dilahirkan pada 16 Januari 2005 di Hospital Umum Sarawak. Jasmin Aminah merupakan anak bongsu daripada empat orang adik beradik.

Walaupun karakter Jasmin agak pendiam, tetapi beliau merupakan pelajar yang pintar serta rajin orangnya. Jasmin juga bercita-cita untuk menjadi seorang pensyarah yang berdedikasi. Pada masa lapang Jasmin gemar menghabiskan masa dengan membaca buku dan berbasikal bersama adik-beradiknya.

Di MATTARY, Jasmin banyak menghabiskan masa bersama-sama sahabat karibnya iaitu Nurin Syukrin, Dzakirah dan Nur Adriana. Mata pelajaran yang diminati olehnya ialah Bahasa Malaysia dan Matematik. Kini Jasmin telah berjaya menghafal sebanyak 6 juzuk al-Quran dengan bimbingan daripada Ustazah Amira Solehah binti Abdul Khalil. Jasmin sering melakukan ulangkaji hafazan (*murajaah*) setiap kali selesai mengulangkaji pelajarannya.

Manakala di rumah pula, Jasmin merupakan seorang anak yang rajin kerana beliau sering membantu ibunya ketika membuat kerja rumah. Selain itu, Jasmin juga tidak lupa untuk mengulangkaji pelajarannya di rumah dan sering bertanya kepada bapanya jika tidak faham mengenai sesuatu pelajaran.

Sebelum tidur, Jasmin akan memastikan semua kelengkapan sekolah telah disusun dan disediakan supaya tidak terlupa untuk dibawa ke sekolah pada esok harinya. Di samping itu, Jasmin sekeluarga juga sering melakukan solat secara berjemaah untuk mengeratkan lagi silaturrahim di samping mendapat keredhaan dari Allah S.W.T.



Jasmin Aminah bersama ibu bapanya merakamkan gambar kenangan semasa menyertai pertandingan World Mathematic Competition yang berlangsung di Pattaya, Thailand.

THARIQ ZIYAD BIN MOHAMAD YAZID

PELAJAR TATTARY

Tarikh Lahir : 1 Julai 2011

Umur : 6 tahun

Asal : Kuching, Sarawak

Tahun : 6 Bijak

Hobi : Membaca, melukis, bermain badminton dan bola sepak

Cita-cita : Menjadi Al Hafiz dan pemain bola sepak profesional



Adik Thariq Ziyad bin Mohamad Yazid merupakan murid 6 Cerdik Tadika Tahfiz Tun Abdul-Rahman Ya'kub (TATTARY). Beliau mula mengikuti pembelajaran di TATTARY ketika berusia 5 tahun.

Lahir pada 1 Julai 2011, anak kepada pasangan Encik Mohammad Yazid Bin Yaman serta Puan Sithy Harjeiah Binti Ibrahim ini merupakan anak kedua daripada 4 orang adik beradik lelaki. Anak yang periang dan peramah ini sangat aktif orangnya dan gemar bermain bersama adik-beradiknya. Bila ada kelapangan mereka akan bermain bola sepak dan badminton bersama-sama.

Thariq sentiasa bersemangat dan fokus di dalam kelas. Beliau juga suka membantu guru-guru dan rakan sekelasnya. Alhamdulillah, berkat kesungguhan dan ketekunannya beliau berjaya menamatkan bacaan iqra' dalam masa 10 bulan sahaja. Kini Thariq boleh membaca al-Quran dengan lancar dan telah menghafal sebanyak 37 surah dari juzuk yang ke 30.



Menurut ibunya, Thariq sangat suka membaca dan melukis serta beliau sentiasa memastikan kerja rumah terus disiapkan. Pada waktu malam beliau akan mengikuti ayahnya ke surau dan selepas itu mengaji serta murajaah bersama ibunya di rumah.

Semoga adik Thariq berjaya mencapai cita-citanya menjadi Al Hafiz dan pemain bola sepak profesional yang suatu hari kelak.



Nukilan: Haryati Binti Mohamad, Ketua Bahagian Penyelidikan dan Pembangunan

terima kasih

Setiap orang memahami bahawa ketika menerima kebaikan atau manfaat daripada orang lain, sewajarnya hendaklah mereka mengucapkan terima kasih kepada orang tersebut. Benar atau tidak, dikatakan masyarakat pada hari ini khususnya golongan muda agak sukar untuk mengungkapkan ucapan 'terima kasih' dalam kehidupan sehari-hari kerana dianggap ucapan itu bukanlah satu perkara yang penting.

Ucapan 'terima kasih' juga menunjukkan tanda kesyukuran setiap hamba kepada Allah S.W.T. atas kenikmatan yang diberikan oleh-Nya samada banyak mahupun sedikit. Oleh yang demikian kerana, jika kita sentiasa bersyukur kepada Allah S.W.T., Allah S.W.T. secara langsung ataupun secara tidak langsung akan menambahkan kenikmatan seperti firman-Nya dalam Surah Ibrahim ayat ke 7 yang bermaksud:

**"Dan (ingatlah juga), tatkala Tuhanmu memaklumkan;
"Sesungguhnya jika kamu bersyukur, pasti Kami akan menambah (nikmat) kepadamu,
dan jika kamu mengingkari (nikmat-Ku), maka sesungguhnya azab-Ku sangat pedih"**



Sebagai masyarakat yang kaya dengan budi bahasa, ungkapan itu bukanlah 'asing' kerana ia menjadi kebanggaan warisan masyarakat terdahulu. Namun, cabaran globalisasi dan peralihan sikap pada masa kini menyebabkan segerintir daripada kita 'lupa' atau sengaja membuat lupa akan kepentingan penggunaan nilai itu tersebut.

Begitu mahalnya ucapan itu, sehingga adakalanya perlu diingatkan terlebih dahulu untuk berbuat demikian dan ia adalah satu keadaan yang sangat 'menyediakan'. Walhal, berterima kasih merupakan bentuk balasan yang paling ringkas dan sederhana pada orang yang memberikan sesuatu pada kita.

Selain daripada ucapan 'terima kasih', ada frasa yang lebih bernilai untuk kita ucapkan. Kata itu adalah "Jazakallah khairan" yang bermakna semoga Allah S.W.T. membalaumu dengan kebaikan. Kenapa Jazakallah Khairan lebih bernilai dibandingkan dengan terima kasih? Ini disebabkan lafadz "Jazakallah Khairan" mengandungi doa.

Secara kesimpulannya, ucapan terima kasih atau doa yang baik seperti "Jazakallah khairan" dapat mengeratkan silaturrahim di antara masyarakat. Justeru itu, praktikkanlah amalan yang ringkas ini dalam kehidupan sehari-hari kita samada di tempat kerja di antara majikan dengan pekerja, di rumah di antara ibubapa dengan anak-anak atau di kelas di antara guru dengan murid.

MERAIH KEBAHAGIAAN ABADI

Nukilan : Hasparina binti Dreman, Pegawai Unit Penyelaras Kegiatan, Bahagian Masjid-Masjid

Bahagia

Bukan sekadar kata

Bukan juga sekadar secebis nota

Namun, bahagia itu adalah satu rasa terindah

Andai hidup berada dalam lingkaran kasih

sayang-Nya

Lebih-lebih lagi dalam keredhaan-Nya sentiasa

Jika impikan sebuah kebahagiaan

Jangan diungkapkan di bibir semata-mata

Jangan hanya dibiarkan berlalu

Berlegar di ruang bayangan sahaja

Usahakan sedayanya

Usahakan bersungguh-sungguh

Untuk menggapai kebahagiaan yang diimpikan

Kalau inginkan Syurga Allah S.W.T

Jangan biarkan ia berlalu

Hanya sebagai satu matlamat hidup

Destinasi pengakhiran kehidupan

Berusahalah,

Selagi daya dan kudrat dianugerahkan

Buktikan yang kita benar-benar

Inginkan Syurga Allah S.W.T

Menikmati keindahan ganjaran berlipat ganda

Laksanakan perintah-Nya

Jauhi larangan-Nya

Seringkali,

Tinggi harapan dan cita-cita kita

Moga terpilih menjadi tetamu Allah

Seruan berkunjung ke Baitullah

Namun

Seringkali juga kita alpa

Mengabaikan panggilan Allah S.W.T

Di dunia nyata yang sementara

Azan berkumandang

Seruan mengajak ibadah kepada-Nya

Mengapa tidak juga kita usahakan

Menjadi tetamu di rumah Allah S.W.T

Melaksanakan kewajiban

Solat 5 waktu sehari semalam

Dengan memanfaatkan sisa ruang peluang yang masih diberikan





**BORANG PENYERTAAN KELAS AL-QURAN DEWASA
ANJURAN PUSAT PENGAJIAN AL-QURAN TUN ABDUL-RAHMAN YA'KUB (PATARY)**

PERHATIAN:

- I. Silakan boleh dengan tulisan yang lebih dan benar-ban
- II. Sila setakat 1 salinan kad pengenalan.
- III. Yuran pembentukan dikurangkan RM 50.00 setiap bulan
- IV. Bayaran yuran hendaklah dibuatkan pada seceder awal bulan

UNTUK KEGUNAAN PEJABAT:	:
NO. RESETH:	:
TARIKH TERIMA:	:
TARIKH/COP TERIMA:	:

MAKLUMAT DIRI

NAMA:	:
JANTINA:	:
NO. KAD PENCENALAN:	:
TARIKH LAHIR:	: UMUR:
ALAMAT:	:
NO. TELEFON:	:
TARAF PENDIDIKAN:	: (Pilihni)
ALAMAT MAJIKAN:	: (Pilihni)
PEKERJAAN:	:

KELAS YANG DIPOHON

SILA TANDA '✓' PADA YANG BERKENAN

KELAS ASAS:	:
KELAS PERTENGahan (TA'AWUD)	:
KELAS MAHIR (TARANNUM)	:

PERAKUAN PEMOHON

Saya mengaku bawawa semua keterangan di atas adalah benar dan akan mematuhi syarat-syarat yang ditetapkan oleh pihak pengajur.

Tarikh : _____ Tandatangan : _____

UNTUK PERTANYAAN SILA HUBUNGKU :
NO. TEL : 082-443232 / 082-449813 | HJ. HAT@BONG HATA BIN MARZUKI / NORMAH TAIB
NO. FAX : 082-449815

RM100.00 SEORANG

BORANG PENYERTAAN

* Sila lengkapkan ruang kosong dibawah. Borang yang tidak lengkap akan ditolak.

NAMA:	:
NO. KAD PENGENALAN:	: *: Sila berikan salinan kad pengenalan anda
TARIKH LAHIR:	: UMUR:
ALAMAT:	:
NO. TELEFON:	:
TARAF PENDIDIKAN:	: PEKERJAAN:
ALAMAT MAJIKAN:	:



**KURSUS
*Dre Perkahuian***

ANJURAN: LEMBAGA AMANAH KEBAJIKAN MASJID NEGERI SARAWAK
DILAKUKAN OLEH: JABATAN AGAMA ISLAM SARAWAK (JAS)